

Sal. 8th Oct. 1898.



大清光緒廿四年

本館新聞除禮拜外每日出版一
紙外埠均可函致本館取
閱如外埠閱報加寄費不
也除日本英法德俄美各國
紙工本從廉採辦外復不
刊印各書單件並有各國
體活字及各式花邊等延
西人排印工藝甚精所有
印字大小機器均用精工刊

第五千零六十三號

報叻

(號七第牌門口虱巴舊在設開館本)

戊戌八月廿二日

印工絕倫並延有文士書
寫各體文字現由上海購到
各種書籍出售其書目另行
刊佈所有各項原價甚相宜再
世館所登來札原稿亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

每張售錢五文每月一元二角每季三元五角每半年六元每年十二元

上諭恭錄

七月廿五日奉 旨山東道監察御史員缺著謝希銓補授吉林將軍衙門管轄主事員缺著明慶補授擬
補內閣中書李慶榮著准其補授山西西陽鹽大使和文湖北布政司廣備庫大使書鳳截取戶科掌印給
事中馮金鑑山西道監察御史劉學謙兵部郎中劉向倫刑部郎中郭之全內閣中書許鑫趙椿年程松生
俱照例用保送分發知府編修王繼香楊士驥李立元俱以知府分發省分補用保送直隸州兵部主事錫
璋著交部記名以直隸州知州用奏吏部學習郎中曠壽主事汪述祖曲江宴俱准其留部開復廣東補
用同知王鴻鈞著准其開復原官仍發原省照例用甘肅涼州府涼莊理事通判員缺著文杰補授分發江
蘇試用通判潘世杰直隸知縣文光江蘇知縣李葆鈞安徽知縣曾希文山東知縣穆都哩山西知縣方顯
河南知縣李鍾膺恩麟郭兆祿陝西知縣錫齡阿福福建知縣馮寶琳李九盛四川知縣振洵黃關同廣西知
縣章國珍楊琪貴州知縣蔣松華俱照例發往戶部員外郎員缺著慶珍補授 奉陵工部員外郎員缺著裕普補授刑部漢字
缺著恩溥補授 定東陵禮部員外郎員缺著慶珍補授 奉陵工部員外郎員缺著裕普補授刑部漢字
堂主事員缺著珠雨蘇布補授欽此○八月初三日奉 旨上諭前經降旨諭令總理各國事務衙門編緝通
商約章頒行各衙門以便遵守茲據該衙門奏稱編緝需時請先將北洋參司以便飭屬認真講求遇事得有依據
語即着照所請行並着各行各省將軍督撫先行派員赴北洋參司以便飭屬認真講求遇事得有依據
仍候該衙門編緝成書再行補發不此項通商約章事務皆關交涉衙門務須遴選熟悉條約之員悉心考
訂以成善本而免流弊餘依議欽此○初四日奉 旨上諭吏部奏遵議處分一摺貴總督恭著應得降二
級調用處分著加恩改為革職留任演習地屬嚴疆督臣責任甚重現當振興庶務該省開辦各礦以及整
頓所備創設學堂並農工商務諸大端均係自強要策現在雲南巡撫業經裁併該督督責無旁貸務當振刷
精神於用人行政一切事宜破除積習俾有成效可觀方不負朝廷曲予成全之至意欽此○同日奉 旨
諭孫家鼐等奏順天擬設中學堂一摺京師為首善之區允宜多設學堂以繫四方觀聽所擬在順天府屬
州縣中考取廢增附生入堂肄業定額考取四十名又另設外省士子南額二十名課以西國語言文字以
及政算學各要書所擬章程尚為切實著照所議行惟經費必須寬籌備者于現解順屬漕折備荒經
費項下撥銀八千五百兩作為學堂之用以垂久遠另片奏請于地安門外兵將局撥給官房等語即着內
務府將該處官房撥給順天設立首善中學堂用副作育人才之至意該部知道欽此○同日奉 旨上諭孫
家鼐奏四川京官四品卿銜內閣候補侍讀楊銳等呈請于京師設立蜀官學堂專課京員子弟及留京舉
貢生監據呈代奏一摺川省地處邊遠學堂規模誠未易遽臻美備現該省京員就京師建立學堂以開
風氣京員學業有成即可為鄉里師資所擬辦法亦尚切實楊銳等均著傳旨嘉獎所有捐銀二萬兩
之二品頂戴記名道李徵庸關心時務慨輸巨款洵屬好義急公著賞給頭品頂戴直隸津海關道李岷琛
捐銀二千兩雲南候補道韓統兵部主事陳時利各捐銀一千兩著一併傳旨嘉獎餘著照所擬辦理該部
知道欽此○八月初七日內閣抄奉 硃筆吳樹梅補授內閣學士兼禮部侍郎銜欽此○同日奉 旨奕
加現在丁憂正白旗護軍統領著駱魯岸署理欽此○同日奉 旨奕加現在丁憂奉宸苑宛卿著胡安署理
欽此○同日奉 旨奕加現在丁憂所管正白旗滿洲副都統著祥晉署理欽此○同日奉 旨奕加現在
丁憂儀衛正使著福森布署理欽此○同日奉 旨上諭四川叙州府知府員缺著文煥補授欽此○同日
奉 旨上諭山東曹州總兵員缺著崔廷桂補授欽此○同日奉 旨上諭都察院奏代遞已革恭將金鳳岐條
陳一摺金鳳岐前在江西吉安營所犯各案情節罪重經大德壽查明奏恭恭奉旨革職勒令回籍交地方官
嚴加管束之人茲復潛逃來京實屬疏玩著即遞回原籍交該地方官嚴加管束不准在京逗遛該衙門知
道欽此○同日奉 旨上諭張汝梅奏節逾白露黃河水勢漸落謹籌款堵築上中游漫口情形一摺本年
伏汛盛漲險工迭出上游壽張各縣先後漫溢當飭該撫將漫口處所設法堵築現在節逾白露水勢漸落
正可及時興工所請截撥各款銀四十萬兩著戶部迅速查照核撥奏明辦理該撫務飭在工各員將所需
各料趕緊購備並就近招集災民以工代賑核實修堵逾期告竣至撥用各款尤當力求節省不可祇事虛

糜以副 朝廷慎重河防之至意欽此○同日奉 上諭紫禁城內外理宜嚴肅前經屢次諭令值班官役認真巡緝近來仍有閑雜人等任意出入實屬玩弛不成事體所有紫禁城西苑 頤和園三處著步軍統領衙門遴派官弁督領番役各在宮門外分段巡邏不准稍有疏懈其舊有護軍營管理地方仍著該統領等嚴飭派出各員弁認真巡緝以重門禁倘仍前玩誤定當查取職名從嚴懲辦欽此○初九日奉 旨這所恭疏防監犯之管獄官山西靈邱縣典史吳開陽着即行革職拿問交胡聘之提同刑禁人等嚴訊無有鬆刑賄縱情弊按律懲辦有獄官靈邱縣知縣陸叙劍據報先期公出著查明辦理仍飭勒限嚴緝逸犯李遇阿即李俊後務獲嚴辦該部知道欽此○同日奉 上諭奉天府府丞兼學政著何乃學補授欽此

埃及電音 ○本坡實得力太晤士西報接廿一日英京來電云倫敦日日新報接其派駐埃及探訪人電稱現由庵打萬撤回埃及之兵多屬病容可掬云云來電又言德國派往乃里河觀戰之武員已將其戰場所見情形奏報德廷其中所言多是挑剔英將用兵之失據云所最失計者則係第二十一號之鎗兵追襲敵軍之愚昧云云電文如此按英國鎗兵追襲敵軍之役先是敵軍潰退英統領即命馬隊追之此隊馬兵計共三百餘人不意追襲不遠而敵之伏兵盡起馬步兵卒不下三千人之多因此之故英國馬隊死將及半猶幸諸軍捨死忘生始力將敵兵戰退然回營之隊已不啻曙後之星矣同日來電又云法將馬贊在花梳打所得之糧食多是該處土人供給惟藥彈則將有斷絕之虞至於所有輔助該法將之士兵乃附近乃里河岸某部落之黑人但此等人亦有充當埃及之兵為英將所統帶者迨至兩軍相遇始知本屬同鄉因此兩軍遂結兄弟之歡現在該部之會已向埃及投誠矣

怦然欲動 ○香港來信云法國近日委派人員前往文尼刺地現聞該委員經對黨人政府稱貴黨欲據此地以為自主我法甚願為之承認但貴政府必有利益許於我國即當勉力贊成也其言如此則飛獵邊之舉不僅德國絕之即法亦怦怦欲動矣
東瀛改律 ○東瀛來信云近日日廷經將刑獄之律大為酌改惟核其所改各節并無提及死刑者據此則日本之刑最重者當亦不至於死矣

滬信補綴 ○近日京師之變本報經已隨聞隨錄茲閱上海西報接有初七日京電數則多有為本報所已登者茲摘其未經登錄者數則補登報牘焉據云初七日滬上接電言 皇上違和甚為沉劇及云是日奉 上諭着將康有為拿問因其犯有謀反大逆之故又云各國公使因聞此變即各躬向總署恭請 聖安并詳探消息

密求俄助 ○頃閱倫敦太晤士報載其接到駐滬探訪人電稱康有為到滬之際該探訪曾經往見晤談之下據康云 皇太后黨人有與俄人密約中有言及他日或遇不測則俄國必當輔助滿人以主中朝之事云云至其所謂 皇太后黨係屬伊誰請明眼人一試猜之檳城偽銀紙案續聞 ○昨報檳城緝獲偽銀紙案一事茲接前途續信謂所獲偽印係用銅片鏤板工巧異常此等器具係在某華人打鐵店中搜獲至昨報使用偽紙之人亦經就獲矣

記二十七日 上諭重申變法事 ○前月二十七日 上諭將變法之意布告天下情詞剴切已見邸抄茲接北京友人來信云前一日有楊石漁貢生名楫者呈遞條陳大意謂中國自有聖賢之遺教 祖宗之法何必取法泰西且自西人通商以來洋貨充斥市肆日新月異利源因之外溢計惟有禁華人不買洋貨乃可以塞無窮之漏卮書既 上大怒欲加之罪繼而思 朝廷方廣開言路其是非決擇權操自上若因其言之非而加以罪轉恐有阻言路因又特降此 諭布告天下咸使聞知今而後守舊之夫目孔之子其亦可以知變計矣

合肥相國出總署述聞 ○李中堂之出總署也中外議論不一即泰西東人士亦各執一說傳聞異詞茲據天津國聞報所錄備述如後以告世之留心時事者其一謂李傅相出總署係恭忠親王定策向來總署各堂與外人交接均在衙門無私宅延見外人者傅相在北洋年久且曾奉 命遊歷歐美凡西人之來華者無不欲 覘手米故在署接見之外多有至私宅拜謁者事為京朝士大夫所罕見忠親王恐有洩漏機要故預定此策以正人臣無外交之義此一說也有謂比公司承借蘆漢鐵路款項前英人以名為比股實則俄款英外部曾電其駐京公使至總署詢問李中堂答以此項股票實無俄人在內英使據此以覆外部今英國查悉此項股票俄人實已買得五分有奇英相西釐侯電至總署詰問以為國之大事不應如此欺人實與兩國交際大有妨碍云云此又一說也有謂中國士大夫懲於去年膠州旅順之事均大悟往者聯俄之非計而思結好英日以爲互相抵制之法適日前相伊藤侯遊歷來華欲借此結納之恐李傅相堅守聯俄之說或阻撓大計此又一說也或又謂傅相每日至署風雨不問一切公事有為各堂所未知而傅相先得其肯要者有本非傅相所應辦之事而恐其洩漏機要者同列忌之致有此 旨此又一說也以上各說或傳之士大夫或得之西人姑援有聞必錄之例至是非虛實則 上諭並無明文本館究不敢以外人之浮議即據為 朝廷之用心也

洋務臆鼎 ○北京友人來函云有人密奏近來 朝廷講求時務延攬人材不遺餘力而應詔來庭者不免真偽錯出魚龍混淆或道聽塗說自命通材或一知半解妄談西學其實若而人者足未履歐美之庭目不識傍行之字或者傳抄譯本等諸中秘之書裨販舌人稱為不

聽塗說自命通材或一知半解妄談西學其實若而人者足未履歐美之庭目不識傍行之字或者傳抄譯本等諸中秘之書裨販舌人稱為不

傳之訣情同欺罔志在逢迎如某某者皆是也又或名已揚於王庭業尚託乎市儈同列則羞與噲伍自稱則無如勃賢荷圖光寵罔識君親如某某者皆是乎 皇上如欲法必須用真通洋務者數人權其緩急正其本原必非此等假洋務偽西學役役名利之徒所能時艱共濟云云聞此摺現向留中

時務報館總理汪康年上黃欽使呈 ○具呈進士汪康年 呈為據實申呈事竊康年七月二十九日奉到 蘇松太道曾祭諭開七月二十三日奉 南洋大臣劉札准 總理衙門電開 兩江總督轉電出使日本大臣黃 湖廣總督轉電出使日本大臣黃奉 旨劉坤一電稱康有為電奉 旨改時務報為官報汪康年私改為昌言報抗旨不交等語該報館是否創自汪康年及現在應如何收交之處著黃遵憲道經上海時查明原委秉公核議毋任彼此各執意見致曠報務欽此等因到本大臣承准此合行恭錄札飭札道即便遵照轉飭該報館欽遵等因奉此合亟諭飭到該報館即便欽遵毋違等因奉此康年竊惟以前之時務報係由眾人集捐而成即是商款商辦故欽項出入非康年所敢獨專伏讀六月初八日暨二十三日兩次 上諭並無令將以前報款悉行交代之明文而廿三日特派康有為督辦之諭中並有另給開辦經費六千兩之 旨又檢查 協辦大學士吏部大堂孫 覆奏次第籌議開辦常年各經費亦未提及交收一字名為開辦事實創而非因費有常年責在官而無藉商力是 朝旨既未令交代而康年所辦又係眾人集捐之事亦何能獨自擅交此康年難於交代之緣由也康年於獲見電傳 上諭後遵即暫行停辦時務報一面電催康主政速行來滬候其主持以明不敢擅專之意又讀 諭旨令民間廣開報館以開風氣康年竊思時務報館原有之款本係公同糾集以為辦報之用故即續辦昌言報上副 聖天子廣開言路之盛心下答捐欸諸人集資委託之重任商款仍歸商辦此則康年另辦昌言報之緣由也康年辦理報館至今兩年以眾人公捐之財辦眾人之事若未奉交代之 明旨又未見督辦官報之康主政遽以商館所有牽行交出置身事外設捐欸諸人責康年以未能體會 諭旨任意委棄康年豈能任此眾怨現在賬目一切本自齊備所有以前時務報館之商欸應否歸併官報之處迭次 上諭並無明文理合靜候秉公核議 諭示遵行自當按照臨時賬目交代茲奉前因合將先今辦理情形及聽候核議交收緣由呈明查核除呈 蘇松太道奏轉呈 南洋大臣劉外合行據實申呈謹呈 漢口商務 ○英駐漢口領事具報一千八百九十七年漢口商務去年商務出口之貨惟茶數驟減出口貨值較之往年為多因滙水行情價跌有益於出口各貨之故是年進出口貨值共值銀四十八兆九千九百九十九兩較一千八百九十六年增多十兆十六萬二千三百三十九兩漢口茶務向為中國大宗今已在俄商掌中其中有四成歸英商售買然多係代俄人所售者牛皮白蠟五倍子等貨多為德商銷售德商不嫌利小惟思綜括無遺英國進口貨物如洋布匹頭五金器皿似較前畧少棉布匹頭棉紗則進口數較多然多來自日本英商僅居其一二耳日本近年留心商務講求製造將來英國棉布棉紗其利必為日人攫奪船位載重共有一兆七十八萬三千零四十二墩內有一兆十萬九千八百五十三墩為英國旗號船隻較一千八百九十六年多八萬三千五百四十三墩本年新到日本輪船二艘在此開行其水脚取價甚廉搭客多而載貨少將來載貨水脚減輕亦可得利日本棉紗自一千八百九十五年始有百餘担到漢口一年之後多至二千餘担以後逐年增多印度棉紗進口日少將來銷路必為所奪火油進口日多其數以俄國為最一千八百九十七年俄國火油進口有八兆十三萬加倫美國進口火油有七兆七十五萬八千加倫蘇門答臘進口火油僅一兆十八萬六千餘加倫其數雖少然已較去年增多俄國火油不及美國之佳然其價較廉故人多用之不擇物之美惡也中國自通行火油以來從前所用茶油其利悉為火油奪去茶油出產日少其價比前更高中國運往漢口棉花比去年多至一倍有餘棉花多售於武昌紡紗局漢口綿花未始不因之減色而產數目仍不見減茶葉則出產日少其中等者尚不及印度西廊之佳故不能過其銷路之廣此等茶葉銷行較易俄國亦多銷西廊之茶美國自種西廊印之茶中國上等茶亦多不銷中國近用機器製茶價廉而工倍然上等茶味極嫩一用機器製造香味頓失西廊之茶俱係上等故茶葉中人仍用中法製造保全茶味或謂茶商缺本不用機器製造亦未可知生牛皮日見暢銷價亦增漲湖絲比一千八百九十六年出口多至七成半漢口新增進口之貨為雞蛋黃一種業此者計有三家每家日需雞蛋三四萬枚價並不增漲所乘蛋殼作何用途尚未得有新法分出之蛋白亦為製熟牛皮之用蓋出口商務近年增多實因滙水匯價之故一千八百九十六年每關平銀一兩值英金三先令四弁士現在每關平銀一兩尚不值三先令銀價之賤殊於市情有礙也

澳門瑣誌 ○澳門一埠為華洋萃萃之區吾粵殷戶富商每多僑寓於此方今國格告乏舉行昭信股票各府州縣地方莫不委員勸辦以成鉅款而應支需獨澳門一隅尚未派員往辦茲聞局憲特委蔡別駕繼昌前往該埠想彼方殷戶顧憲宗邦定有毀家抒難如堯之子又輸粟助邊似漢之卜式者也

給婚例誌 ○二十二日保良局內有女子六人給與民間為婦茲特照登如左女子蘇新俊給閩人郭稟為妻 女子韓亞叙給閩人林長壽為妻 女子袁亞意給客人張亞春為妻 女子黃亞淵給閩人關長命為妻 女子賴亞金給閩人鍾崎為妻 女子陳亞妹給閩人朱榜為妻以上諸女均於是日下午迎娶過門成禮矣

上控得直 ○粵人梅能齡前被有司所控謂其私收圍姓經在府堂訊定判罰梅銀二千元梅有不甘因請將案赴臬堂上控詎亦控而不直着仍照府堂所判而行梅益不甘即由其所延之大狀師如經請將此案再行上控所有各節前報經已備登茲悉此案於昨二十二日已由正副臬使三堂會訊即經如狀師起引律章酒酒陳辨訊定之後以此事果屬不得執為梅咎因特判梅得直即將前日府臬兩堂所判之罰項注銷

禁錮權罰 ○廿二日巡理府堂提訊私用禁錮案計共廿九起之多中有廿三起係屬華人餘六起則為吉靈人皆以找換錢鋪為業因其鋪內攪雜實勝越有孔之鑄致遭控究是日訊畢後判各罰銀四元

案再告發 ○怡園前街松茂號樓上叻產潮婦郭清娘於去年十一月廿八夜被其傭婦竊去首飾等物值銀四千餘元至本年六月間乃將粵人周亞安緝獲并搜出白鐵小箱一具係屬原贖等情本報前者經已備登惟周被獲之時氏適言往日裡不能赴案控告故將周省釋茲悉氏於前日已回叻地即赴案中補控昨經暗差再將周亞安執獲廿二日府尊提訊一次命展至廿八日再訊

黃堂公牘 ○粵婦黃亞華控告同籍人葉亞德拐其幼女據稱住居同濟醫院前街有女李三妹年僅二齡於二十日忽然失去嗣查知為被告所拐因特執而控之等語廿二日府尊提訊一次命展至廿九日再訊○淡申律會厝落有潮人周義強陳木林林德成洪成順諸人於廿一日偶因細故相與打架均已受傷為差所獲送於府案同日府尊提訊一次命展至廿九日再訊○潮人羅崇裕被與呂人申那沙捕控云二十一早在西里宜路被羅搶去銀紙四張計共二十元等語同日府尊訊畢命展至廿五日由兩府尊會訊○吉寧街車夫加那隣控告叻產圍人陳細弟言陳僱其車載運磚瓦嗣給車費一元詎皆鉛錫不能使用云云府尊訊畢亦命展至廿九日再訊○斗科局差昨控小坡正興街瓊人王亞經所用之秤輕重不符府尊訊畢判罰王銀二十五元

京報選錄

○日講起居注官裁缺左中允黃思永跪 奏為需才孔急擬設速成學堂籌墊款項試辦恭摺仰祈 聖鑒事竊自奉旨改科舉設學堂業經五城御史公勸辦此特小學堂耳收效尚緩臣惟西學三項曰文曰政曰藝習其文字者必兼語言如泰西及日本各國各方言文字是現在各處小學堂皆從語文入手臣已自設崇實小學堂延請兼通中學之教習能課學生六十人教法甚善及三月頗有端倪預計按日排課三年有成此等學生卒業後可備遞升中學大學之選是西學之初階其收效在能通語文能讀西書技若止此不過充小學堂教習當編譯生而已習其政治者則有兩途一為已通西文能自讀西國各門讀本者不惟集其書而課其業現在小學堂初設尚無其人惟早年由小學堂出身者有之而於中學又少貫通近已半為教習矣一為年長舌強難習西文者惟有讀譯書一法亦可通其義而用其法如各國史律兵農公法掌故方輿等書及新聞報紙層出不窮日新月異京滬已設譯書局則講求尚易 功令既兼重西學有志之士甚多臣擬廣集同人立西學社以資改錯然有譯書未能盡其精蘊者惟道藝兼習其語始精所謂專門之學其圖籍非口講指畫不能明其奧旨非縷晰條分不能解其體質非試驗比例不能準下屆鄉試二場有專門西學策論不得帥傳安知門徑如同籌日開卷茫然主試及同考官亦向皆於八股試帖討生活一旦改章得一卷而不知所云真難取出舍無憑何論優劣計無所出祇得仍論其文理經義以定去取評甲乙敷衍了事必有甚於往日者逆料如此豈 朝廷變法之初意哉臣忝列詞垣衡校乃其職分平日於西學偶涉藩籬知其以語文入門至專門方為有用特非十年不能卒業三年病而求艾七年鮮有濟矣譯書可讀者如上所云難盡其蘊仍屬空談求其實在可用者不外格致一門如聲光化電十餘種中人固有成材向不多見非聘他國人為教習不可每一教習歲須三四千金加以圖器藥料等件所費不資京師大學堂事屬創舉慎始圖終開辦不易隆規茂鉅欲速不能臣籌思良久擬一速成學堂之策凡事宜易而行難往往行者不知言者之苦心辦無成效臣請先自籌款試行為之倡其法集中學之通材選學格致專門工夫訪延專門格致學之洋教習二三人另用中人之通方言者傳其語意教者口授學者錄於圖籍如何分合機括如何運動藥料如何配搭形質如何變化親見教習之指陳演試隨時質疑問難縱有打格一經指點便可豁然既可省學語文三年更可得譯書之奧義如有精力過人者兼西學之未始不可成效之速不卜可知此法果行不難互相效法迨風氣大開信從日眾再請擴充由 國家酌給津貼或通飭各省中學堂仿照辦理俟開辦後察看情形隨時具奏請 旨施行以臣愚見上求下應捷於桴鼓苟有智強之機孰肯安於昧弱特非倡導有人興起不易耳下次鄉試以天下之大習專門之學者未必無人舊學商量孰司文柄此臣所以既開小學堂聯西學社又有是請自揣籌墊款項當不甚難臣為需才孔亟起見是否有當謹候 諭旨遵行所有先自籌墊試辦速成學堂緣由謹繕摺具陳伏乞 皇上聖鑒訓示謹 奏奉 旨已錄

拍賣印字館告白

○啟者茲本館承 按察司之命定於屋多末月十七號即華九月初三日禮拜一下午二點半鐘在本館內拍賣直落亞逸街門牌第一百號及一百零一號古友軒印字館及其所創之華字報名曰星報所有機器雜物及店底等計有印字機器 手印機器 畫格及印號頭之機器 切紙及鑽孔機器 排字盤 鋼條 鐵盤 中西鉛字粒 鑄字機器 石版車及石版等物 諸君有合意者請如期前來投買可也此佈 光緒廿四年八月二十二日 大英一千八百九十八年十月七號 吧越館主謹啟

當格 ○特授三州府華民政務司正堂伊 (為懸賞事照得現據潮人李學源稟稱伊係同治四年在叻坡溪墘門牌第十四號內生長為世出宗知凡有確知該李學源係在何處生長者可即來署報明如果所報是實即賞花紅銀二十五元此示
光緒二十四年八月二十二日 大英一千八百九十八年十月七號 示

聲明告白 ○啟者大馬路吉寧廟前第七十四號門牌乾生班鼓醬料雜貨生理久牛車水番寮尾第三十一零六號門牌廣全昌曠油生理原係林德循林欽衛林德球等自昔年合夥經營今猶合力分勞尚覺生財有道所以比日來各股友均已別圖設店各自分營然皆非乾生及廣全昌所分枝而別創也故即特字聲明如乾生及廣全昌有與各寶號取貨均有兩號圖章為憑外此無論各股所友私設之店號與 各寶號取貨均惟經手是問不得互相牽引致後論也此佈
光緒二十四年八月二十二日 大英一千八百九十八年十月七號 乾生號廣全昌各股東等謹啟

移寓告白 ○啟者余現已移寓在土庫煎芝亞里巷即舊麗如銀行邊前德律風公司巷內第一號門牌樓上辦理訟務倘遠近 諸君不棄請臨惠然賜教祈即按址前來面商當不負其所託也此佈
大清光緒廿四年八月十九日 阮添籌謹啟

工部局告白 ○啟者特此通知凡新嘉坡工部局內所轄各地段諸人照例可以充當局員及有權可以在各段公舉他人以為局員者其芳名冊業經改正列入國家憲報之內並有底冊存於本局寫字樓以便諸君到而查閱至諸人有權可以入票公舉局員及其自己可充局員而其名尚未列在更改冊內者祈即將其芳名及其居址事業等具字通知本局司理人可也特此佈告
西一千八百九十八年十月四號 署工部局司理人綿慧丕奉命謹啟

北慕娘國家招人承充餉碼告白
啟者茲北慕娘國家欲招人入票承充以下所列各餉碼其票當於西一千八百九十八年怒民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左
鴉片烟餉碼 酒牌餉碼 當舖餉碼 北慕娘出入口稅餉碼 北慕娘賭碼
所有一切詳細情形可向本行詢問便能知悉特此佈告
西一千八百九十八年九月二十四號 北慕娘國家駐紮新嘉坡代理人牙直里洋行謹啟

荷蘭總領事示 ○大荷蘭國駐叻總領事府尼域 為曉諭事照得西本年屋多末月十號及十一號有勿連木八十五久密棉打在巨港出投為此示仰商民人等知悉汝等有欲採購者其如期前往投可也特此諭知
西一千八百九十八年九月十七號 示
新式快車出售 ○啟者本行現由美國到有新款兩輪之足踏車此等快車名曰麗敦車身甚輕故能快捷而行駛又不須費力且復堅固耐久乃足踏車中頂上之品至本行所到此等之車各款俱備以憑選擇 諸君有欲購用者祈早 惠臨選沽為盼
大清光緒二十四年八月十五日 西歷一千八百九十八年九月三十號 勞民申雜貨公司謹啟

覓稅船隻 ○啟者敝號欲承辦荷蘭旗火船帆船一隻惟須載四十車至八十車者方為合用 諸君若有此船合意欲出賃者或要出售請移 玉至吉靈街順和泰號詢問便得此佈
光緒二十四年七月初一日 吧城小南門 昌隆號內邱春昌告白
大荷蘭總領事示 ○大荷蘭國駐叻總領事府尼域 為通知事照得西本年爪亞國家有羔丕九萬九千二百二十八扣欲為拍賣如欲知其拍賣之期及一切詳細情形者可至本總領事署內詢問便得特此諭知
西一千八百九十八年八月六號 示

草聖暫駐 ○朝鮮尹君漢石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售
光緒二十四年七月十八日 啟
藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為致究者 諸君賜顧請移玉至本館面商可也
大清光緒二十四年五月十三日 本館謹啟

新到上等機器油
 啓者茲本行有新到之機器油一種此油乃上等之貨所有輪船火礮火鏢及一切機器如用此油者較於卑麻油實有過之且其價較廉卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
 大英一千八百九十八年八月十八號
 轄珍目兄弟公司謹啟

實知寶西鑲牙廣告
 啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫風骨痛現再究得新法能治肺疾及風濕疼痛骨節堅強等症并爲烏里兼達性命保險公司代理華人性命保險之事 諸君如願請至本得里路第六號門牌樓上面商爲盼
 大英一千八百九十八年六月二十八號
 牙科醫生實知寶謹啟

店舖稅
 啓者茲有店舖一間坐落溝仔嶺第廿五號門牌即順源棧之隣前經該棧稅爲貨棧者茲欲將其樓下及後樓出租與人諸君有欲稅住者請至墊那路頭豐興號內向余詢問便得特此佈聞
 光緒廿二年十月廿四日
 薛連錫謹啟

**福建漳州府詔安縣江天恩先生精岐黃之術存保赤之心發藥不虛活人無算於何見之緣豚兒本年正月間偶沾外感之症午後潮熱發延醫治理後變爲癆嗽初不以爲要及至閏三月忽爾骨枯肉脫昏迷不省人事兼以泄瀉日夜臥於床席諸藥罔效幸允昌號黃孫江兄見此症危甚特地爲余保荐云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣具此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非早嘉坡之幸哉余先受其福焉爲勸數言以鳴謝悃甚願有采薪之憂者登堂請教定卜同躋於仁壽也夫
 大清光緒廿四年七月廿三日 鄭譽錦敬啟**

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷痰每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售
 大清光緒廿四年六月廿九日 時雨軒主人謹啟

正呂宋烟發客



啓者本號親自在小呂宋採辦意未卯拿廠揀選正地道烟葉製造各款星妹麥仙花雙馬麥呂宋烟枝經已馳名中外其雙馬麥中更有二百庄白結皮經方爲冠美氣味香順蒙採客留心細察免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議早購各款麥頭太多不能盡錄謹此佈聞
 大英一千八百九十六年十月十九號
 新嘉坡馬交街生昌泰謹啟

豐源號

本號輪船往來各埠船期開列如左 在各埠往實日期
 由麻六甲往芙蓉每逢禮拜二六日中午十一點鐘開行
 由各埠回實日期
 由麻六甲回芙蓉每逢禮拜二五日上午十點鐘開行
 各輪船在叻往麻六甲吉隆坡實蘭午 等禮拜五日三點鐘開行特此佈


在實叻往麻六甲每逢禮拜五日下午四點鐘開行
 由芙蓉往吉隆坡每逢禮拜二六日下午六點鐘開行
 由吉隆坡回芙蓉每逢禮拜二四日下午四點鐘開行
 由麻六甲回實叻每逢禮拜二五日下午四點鐘開行
 豐源號謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞
大英一千八百九十八年正月一號
光緒廿三年十二月十八日

明嗎也洋行謹啟



烏密酒發賣



啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈
英一千八百九十八年正月一號
光緒廿三年十二月十八日
明嗎也洋行謹啟

法國頂上蜂窠標萬蘭池酒發客




FIVE BRANDY

SOLE MERCHANTS


敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸
英一千八百九十八年正月一號
大清光緒廿三年十二月十八日
明嗎也洋行謹啟

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購置此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用
有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼
大英一千八百九十八年正月一號
大清光緒二十三年十二月十八日

明嗎也洋行謹啟



三品出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬假冒請為細認特此佈告
大英一千八百九十八年正月一號
明嗎也洋行謹啟



新嘉坡目下各貨行情開列於左

新烟土	一担	四十七元	碩粉	上	二元六角	豐榮號自製綠標每車	一百五十六元
上甲錫	一担	四十四元七角半	叻碩我幼粒上	又	三元	廣合盛暹大白米每車	一百五十三元
叻甘蜜錫包	又	五元二角半	加勝巴大薯粉土庫上庄	又	二元九角	海和順庄大白米每車	一百六十三元
白椒錫五斤	又	四十二元	二號	又	二元四角	萬成順庄新花大白米	一百六十四元
烏椒錫五斤	又	四十二元	井里汶大薯粉二號	又	二元八角	萬福興大白米新綠標	一百六十二元
巴庄甘蜜落籠上	又	十一元	白魚翅出辦	又	一百六十元	振成運庄大白米新花	一百七十元
泗庄甘蜜落籠上	又	九元五角	白魚翅大	又	一百六十元	豐利棧大白米新花	一百七十三元
紅乳上二號	又	三百五十元	鳥魚翅出辦	又	一百二十元	陳生利運庄大白米	一百五十二元
紅乳上三號	又	二百七十元	鳥魚翅大	又	五十元	叻棧時管糧米頂上庄	一百二十八元
紅乳上二號	又	二百七十元	鳥魚翅中	又	三十元	安南火較一號上庄	一百一十五元
紅乳拾港一號	又	一百八十五元	錫鳥石參出辦大	又	八十五元	安南白米輪上庄	一百一十五元
軟乳上庄	又	一百二十元	烏石參	又	七十五元	又半港白米	一百零四元
軟乳二號	又	八十元	烏石參中	又	五十五元	港內經米頂上淨新	一百零四元
軟乳一號	又	八十元	鳥石參上	又	九十元	仰光火較呀嬌米上	一百三十二元
白乳二號	又	九十六元	白石參	又	八十元	又牙精	一百三十二元
白乳一號	又	一百一十元	白石參出辦	又	九十元	暹幼米	六十一元
白笋乳二號	又	一百五十元	有肉參出辦	又	二十五元	暹幼米	六十一元
白笋乳一號	又	一百五十元	有肉參中	又	二十五元	暹幼米	六十一元
三架枝烏牛乳上	又	十四元五角	丹黎未光出辦脫	又	四十五元	安南黃豆	四十二元
暹赤牛皮一號上	又	十六元	丹黎未脫大	又	三十五元	安南米糠	四十七元
暹赤牛皮一號中	又	二十三元五角	丹黎未脫中	又	三十五元	瓜亞地大綠豆	一百四十五元
暹赤牛皮一號下	又	二十四元五角	鳥參出辦大	又	六十元	吉靈花生	一百六十三元
峇赤皮上庄	又	二十二元八角	有鳥參	又	五十元	赤心子四水	一百六十三元
安南赤牛皮上庄	又	二十四元	赤實參	又	四十元	赤心子加勝巴	六十九元
仰光赤牛皮上庄	又	十六元八角	赤實參大	又	二十元	魚肚開刀一號	三百元
仰光赤牛皮一號	又	十二元半	赤實參中	又	十四元	魚肚開刀二號	二百七十元
水牛皮總	又	五百二十五元	赤實參小	又	十四元	魚肚開刀三號	二百六十元
惠安新絲上庄	又	四百九十元	梅花刺參出辦	又	四十五元	魚肚開刀一號	二百六十元
惠安新絲中庄	又	四百九十元	梅花刺參中	又	三十六元	魚肚開刀二號	二百六十元
汶內新絲上庄	又	四百八十元	梅花刺參上	又	三十六元	魚肚開刀三號	二百六十元
汶內新絲中庄	又	三百九十元	四方刺參中	又	二十二元	魚肚開刀一號	二百六十元
新州新絲上庄	又	三百九十元	四方刺參上	又	二十二元	魚肚開刀二號	二百六十元
新州新絲中庄	又	三百七十六元	四方刺參下	又	二十二元	魚肚開刀三號	二百六十元
新州新絲上庄	又	三百七十六元	四方刺參中	又	二十二元	魚肚開刀一號	二百六十元
手袖絲上庄	又	三百七十五元	虫參	又	二十四元	魚肚開刀二號	二百六十元
手袖絲中庄	又	三百四十元	虫參	又	十四元	魚肚開刀三號	二百六十元
手袖絲上庄	又	三百四十元	虫參	又	十四元	魚肚開刀一號	二百六十元
高低慈合藤上	又	九元	刺參	又	十四元	魚肚開刀二號	二百六十元
把實藤上	又	十三元	刺參	又	十四元	魚肚開刀三號	二百六十元
椰肉干上庄	又	七元二角	花虫參	又	六元五角	魚肚開刀一號	二百六十元
椰肉干中庄	又	六元九角	灰虫參	又	六元五角	魚肚開刀二號	二百六十元
椰肉干下庄	又	六元五角	玳瑁一號	又	十一元	魚肚開刀三號	二百六十元
老榜花上庄	又	九元二角	玳瑁二號	又	九元	魚肚開刀一號	二百六十元
老榜花中庄	又	四十二元	大公瑁	又	七元五角	魚肚開刀二號	二百六十元
老榜花下庄	又	四十二元	大公瑁	又	七元五角	魚肚開刀三號	二百六十元
老榜仁一百十粒	又	七元二角	小公瑁	又	五元	魚肚開刀一號	二百六十元
酒水風尾土庫上庄	又	十七元	狗仔瑁	又	五元	魚肚開刀二號	二百六十元
錫坭嗎士落桶紅削清	又	五元五角	薄玳瑁	又	二元二角	魚肚開刀三號	二百六十元
錫坭嗎士落桶	又	十八元	担玳瑁	又	二元四角	魚肚開刀一號	二百六十元
錫坭嗎士落桶	又	十八元	担玳瑁	又	二元四角	魚肚開刀二號	二百六十元
井理汶芬磨隆庄	又	十八元	担玳瑁	又	二元四角	魚肚開刀三號	二百六十元
東務芬大標	又	二十九元半	海菜	又	二元八角	魚肚開刀一號	二百六十元
類粉大綠鬼標每包	又	二十九元半	海菜	又	二元八角	魚肚開刀二號	二百六十元
類粉綠員標每包	又	二十九元半	海菜	又	二元八角	魚肚開刀三號	二百六十元
類粉三綠標每包	又	二十九元半	海菜	又	二元八角	魚肚開刀一號	二百六十元
甲中薯粉源通每担	又	二元一角八占	海菜	又	二元八角	魚肚開刀二號	二百六十元
甲中薯粉	又	二元一角八占	海菜	又	二元八角	魚肚開刀三號	二百六十元
甲幼粒	又	四元四角	末流老白燕上	又	八元	魚肚開刀一號	二百六十元
甲幼至	又	四元二角	實勝越七燕上每担	又	六十五元	魚肚開刀二號	二百六十元
甲中至	又	四元二角半	犀牛角公大	又	六十五元	魚肚開刀三號	二百六十元
甲中至	又	四元二角半	犀牛角母細	又	五十八元	魚肚開刀一號	二百六十元

光緒廿四年八月廿二日叻報館

